News Coverage

Berita Minggu 26 November 2023, Sunday Front page



Diiktiraf Anugerah Gemilang Mendaki atas cemerlang pendidikan, kerja relawan

IZWANDI AZMAN izwandi@sph.com.sg

Kerja sukarela bukan sekadar mengisi masa lapang tetapi menyemai benih cinta dalam diri Cik Radiyah Behum Mohammad Ali dan Encik Hilal Iman Mohammad untuk menyumbang kepada masyarakat.

Satu lagi persamaan antara Cik Radiyah Behum, 27 tahun, dan Encik Hilal, 25 tahun, adalah kecemerlangan mereka dalam pelajaran sehingga diiktiraf dengan tiga anugerah sekali gus iaitu Anugerah Gemilang Mendaki, Anugerah Pencapaian Akademik, dan Anugerah Mendaki di Teater Mediacorp pada Sabtu.

Acara itu diserikan dengan kehadiran Menteri Pembangunan Negara merangkap Menteri Bertanggungjawab bagi Integrasi Khidmat Sosial, Encik Desmond Lee.

Encik Lee, dalam ucapannya,

Summary translation of news article



menyatakan jumlah penerima Anugerah Mendaki meningkat lebih 45 peratus dalam masa sedekad. Menurutnya, ia menunjukkan lebih ramai pelajar Melayu/Islam kini mencapai kejayaan akademik dalam bidang pengajian yang lebih rencam.

Cik Radiyah dan Encik Hilal pula adalah antara 381 penerima anugerah pada Sabtu dan dua individu cemerlang yang disampaikan dengan Anugerah Gemilang Mendaki yang mengiktiraf

TIGA ANUGERAH SEKALI GUS:

Cik Radiyah Behum Mohammad Ali dan Encik Hilal Iman Mohammad menerima Anugerah Gemilang Mendaki, Anugerah Pencapaian Akademik dan Anugerah Mendaki pada Sabtu. – Foto BM oleh NUR DIYANA TAHA

individu teladan dari segi Perwatakan, Kecekapan dan Kewarganegaraan.

Ketika ditemui, Cik Radiyah berkata: "Niat saya membuat kerja sukarela bukan untuk menunjuk-nunjuk, malah saya mahu memainkan peranan untuk memperbaiki masyarakat kita."

Bekas pelajar Institut Pendidikan Teknikal (ITE) Kolej Central yang mengambil kursus Nitec Lanjutan dalam Pendidikan Awal Kanak-Kanak itu mendapat purata mata gred (GPA) penuh, iaitu 4.0.

Cik Radiyah kini kembali bertugas sebagai pendidik di Pusat Intervensi Awal Thye Hua Kwan (THK) dalam membantu kanakkanak berkeperluan khas. Beliau meluangkan masa membantu Jawatankuasa Penduduk (RC) Zon 2 Bishan merancang dan melaksanakan kegiatan jalinan kekeluargaan untuk penduduk.

Encik Hilal pula tidak berputus asa walaupun gagal peperiksaan GCE peringkat 'O' dua kali. Lulusan Diploma Pengurusan Perniagaan di Politeknik Nanyang itu diterima masuk kursus Sarjana Muda Undang-Undang di Universiti Nasional Singapura (NUS).

"Jangan berputus asa, terus percaya diri," nasihat Encik Hilal yang menghulur bantuan kepada Krsna's Free Meals, badan amal yang menyediakan makanan percuma kepada pekerja migran.

Achievement of Anugerah Gemilang Mendaki for academic excellence and volunteering work

Berita Harian featured Ms Radiyah Behum, teacher aide at **THK** EIC Services, who received three awards for her excellent achievement in academic and volunteering work. Ms Radiyah achieved GPA 4.0 during her Higher Nitec Studies in Early Childhood at the Institute of Technical Education (ITE). She spends some time in community work at Bishan RC.

On 25 November 2023, she received the Anugerah Gemilang Mendaki (Pinnacle Award), Anugerah Pencapaian Akademik (Academic Excellence Award), and Anugerah Mendaki (Mendaki Award). The Anugerah Gemilang Mendaki is to

recognise exemplary individuals who have displayed outstanding character, efficiency and their valuable contributions to the community.